

■ erantzugu... ■



943 300 228



zuzendariari@jalgi.com

EAEko gobernu berriak iraungo du legegintzaldi osoa?

■ **Dudarik ez** dut legegintzaldia amaitu arte iraungo duela. Baina kontuan hartzekoa izango da udal hauteskundeen ondoren zer-nolako negoziatioak —edo negoziatioak— izango diren diputazioak lotzeko. Uste dut EH diputazioen jokoan sartuko dela, eta hortik gobernura pauso bat besterik ez dago. Arzalluzek PSOeri barkatu-

Ez dira argitaratuko izenik gabe iristen diren mezuak. Guztiek izen-abizenak eta telefono zenbakia beharko dituzte izan. Laburtu behar izanez gero, zuzendaritzak bere esku du horretarako eskubidea.

ko ez diolakoan nago.
Jon Ander Zurutuza (Eibar)

■ **Nire desioa** argia da: gobernu honek iraun dezala legegintzaldi osoa. Hala ere, ez naiz oso baikorra. Ez dut uste lau urteak bete-

ren gobernu abertzaleak. Batetik, alderdi estatalistek egingo dituzten presioak eta, bestetik, EAJ alderdiaren barne eztabaidek galaraziko dute sortu berria den gobernuaren tinkotasuna. **Mikel Fernandez** (Bilbo)

■ **Iraungo duelakoan** nago. Eusko Alderdi Jeltzaleak oso argi utzi du Lizarraren aldeko apustua egin nahi duela. Euskal Herriarrek ere gobernu honi baietz esan berri diote Gasteizen; beraz, ez dago zalantzarik. Hala ere, kontuan izan beharko dira ekaineko hauteskundeak, zenbait dunda argituko baitira. **Mikel Arrillaga** (Tolosa)




galdeiozu...

Ibon Sarasola

EUSKALTZAINA

Nor izango da Federiko Krutwig zenaren ordezkaria Euskaltzaindian?

Jon Garzia (Bilbo)

■ **EZ DAKIT** nork beteko duen bere tokia.

Urtarrilaren 3tik aurrera **Aingeru Epaltza** • NAFARROAKO IKAS-TOLEEN FEDERAZIOKO LEHENDAKARIA izango da Galdeiozu ataleko gonbidatua. Bidali zure galderak ordurako.



zuzendariari

**Gudarien etorbidea, z/g 20140 Andoain**

OHARRA: Iritzi ezberdinek tokia izan dezaten, ez da komeni makinaz idatzitako 15 le-
rro baino luzeago idaztea gutun hauetan. Idatzi duenaren izena, telefonoa, helbidea eta
NANen zenbakia agertu beharko dira. Laburtu behar izanez gero, zuzendaritzak bere
esku du horretarako eskubidea. Erdaraz iristen diren gutunak ez dira argitaratuko.

Bertsoaren neurriak

1998ko sbenduaren 24an, Gabon festak zirela eta, Euskal Telebista-ko Axut lehiaketa ikusteko aukera izan nuen. Bertan 10-12 partaide ziren hasieran eta azkenean, kanporaketen bidez, bi finalista gelditu ziren. Bata, Joseba, lezoarra-Gipuzkoakoa eta bestea Peio-Bizkaikoa, baina zein herritakoa ez zen argitu. Hori bai, bertsozalea zela eta bertso bat bat-batean kantatzeko kapaz ete zan galdetutakoan, «Ni bertsozalea naiz, ez bertsolaria» erantzun zion aurkezleari. Puntuak gora eta behera, hogeigarren eta azken galderara heldutakoan, abantaila bizkaitarrarena zen eta galdera ere berarentzat.

Hor doa galdera: «Soneto batek zenbat bertso ditu». Peioren erantzuna ondo pentsatu ondoren: «lau». Errebotea Josebarentzat eta erantzuna: «hamalau». Puntuak eta diruak azkenean Josebarentzat eta

burla bizkaitararentzat. «Bertsozalea izanik!!!».

Euskal Herrian bertso bat kantatzen denean, eta Peiok hala egingo zuen ausartu balitz (adibidez zortziko bat kantatzera), zortzi lerroz osatutako bertso bat kantatuko zuen eta ez ziren izango zortzi bertso. Beraz, soneto batek lau euskarazko bertso (erdarazko estrofa) ditu eta hamalau 4/4/3/3 euskarazko lerro (erdarazko linea edo verso).

Horregatik eta euskarazko galdera Euskal Telebistan eginga zenez, nik arrazoia Peiori ematen diot eta puntuak eta dirua berarentzat errebindikatu. Aupa Peio!! **K. Ibarzabal** • MUNGIA (BIZKAIA).

Aurrera bakeruntz

Esaten denaren arabera, Bakea on-

dasun desiragarria da eta lortzearen behar adina ahaleginetarako prest gaudela dirudi. Lan gogor eta etengabe hau, bizitza aldakorra denez, bakea egunero landu eta egokitu behar da.

Zoritarrez, gertakizunek hitzak ezeztatzen dituzte. Duela hiru hilabete euskotarrok poz handia izan genuen. Borroka armatuari ekiten zion euskal erakunde bakarrak sueten aldeak, baldintzagabe eta mugagabea erabaki zuen.

PP eta PSOEko politikoko espainiarrek ezin zuten sinetsi, ala ez zuten nahi. Bere Madrilgo nagusiek eta Euskadiko delegatuek, lotsa izanez gero, lotsa emango lieke esandakoa gogoratzea.

Denbora pasatu da, gehiegi, Aznar eta Mayor Oreja jaunak Borrell eta Almunia-aren konplizitatea dute-

la mugitu gabe. ETaren lehen hitzak fidagarriak ez zirela alegatzen zuten. Ziotena benetan sinetsi bazuten, Bake prozesua sendotzeko baldintza egokiak bultzatzeko, zein neurri hartu zuten?

Ezer ona ez, baina aurkakoa bai: GAL deituriko estatu terrorismoa-
ren arduradunak kaleratu, eta gutaz, berriro ere, barre egin dute motibazio politikodun preso-
en hurbilpen antzeko bat eginez.

Gogora dezagun PPK, Aznar eta Mayor Oreja buruan, GALi buruzko Espainiako legebiltzar ikerketa bat galarazi zutela eta Intxaurrondoko kuarteleko arduradunaren gorape-
na eta kondekorazioa txalotu zuela.

Baina ez dugu ilusioa galdu behar. Alderantziz, espainiar politikoe-
k jarritako zailtasunek gogor eta baturik lan egitera bultzatu behar gaituzte, helburu politiko txiki bai-
na jarriak lortzeko gure herriaren askatasun osoa lortu arte. **Josu Ikatzategi** • DONOSTIA

• MONTXO •

